

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

i

Delicco d.o.o Banja Luka, Meše Selimovića 38, ID: 4403790450002, koga zastupa direktorica Aleksandra Dragić (u daljem tekstu: Dobavljač)

zaključili su:

UGOVOR O NABAVCI SAOBRAĆAJNE OPREME - ČUNJEVI

Član 1.

Predmet ovog ugovora je nabavka saobraćajne opreme – čunjeva, za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu Odluke broj 02-11-4-2376/22 od 07.03.2022. godine.

Ponuda Dobavljača bb od 17.06.2022. godine je sastavni dio ovog ugovora.

Član 2.

Ukupna vrijednost predmetne nabavke roba iznosi 2.835.00 (dvijehiljadeosamstotinatridesetpet i 00/100) KM bez PDV-a.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora vršiti isporuke predmetnih roba, za potrebe Uprave policije Ministarstva unutrašnjih poslova Kantona Sarajevo.

Član 3.

Dobavljač se obavezuje da će robu iz člana 1. ovog ugovora isporučiti najkasnije u roku od 15 (petnaest) dana od dana obostranog potpisivanja ugovora, na adresu Ugovornog organa.

Sve troškove isporuke do primopredaje, kao i troškove reklamacije snosi Dobavljač.

Roba će se isporučiti na adresu Ugovornog organa, Magacin Rakovica, 71000 Sarajevo.

Član 4.

Prilikom isporuke robe koja je predmet ovog ugovora, Dobavljač je dužan dostaviti otpremnicu za isporučenu robu (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača. Sve primjedbe na izvršenu isporuku će biti konstatovane u zapisniku.

Član 5.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Dobavljač se obavezuje priznati reklamaciju na kvantitet i kvalitet isporučene robe, koja će biti proučena zapisnikom o reklamaciji, uz obavezno navođenje nedostataka i datuma i broja računa (otpremnice) Dobavljača kako bi se zadovoljili uslovi reklamacijskog roka.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će se zapisnikom o reklamaciji utvrditi.

Roba će se smatrati uredno isporučenom kada u zapisniku o prijemu bude konstatovano "isporuka i prijem izvršeni bez primjedbi".

Član 6.

Plaćanje se vrši u roku od 30 (trideset) dana od dana uredne isporuke robe i dostavljanja fakture, na tekući račun Dobavljača broj: 154 560 20054650 39 otvoren kod Intesa Sanpaolo Bank d.d..

Član 7.

Važnost garantnog perioda za isporučenu robu Dobavljač garantuje prema uputstvu proizvođača za kvalitet isporučene robe.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 8.

Ukoliko Ugovorni organ ocijeni da isporučena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 9.

Na sva pitanja koja nisu regulisana ovim ugovorom, primjenjivat će se odredbe Zakona o obligacionim odnosima.

Član 10.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 11.

Ugovor stupa na snagu danom potpisivanja ovlaštenih predstavnika ugovornih strana i traje do uredne realizacije ugovorenih obaveza ugovornih strana.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

DOBAVLJAČ

Deliceo d.o.o Banja Luka


direktorica Aleksandra Dragić


UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović

Broj: 02-11-4-2376-3/22

Datum: 07.07.2022. godine

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

i

SAZ d.o.o. Sarajevo, Ablagijin Sokak br. 27, Sarajevo, ID broj: 4202917450001, koga zastupa direktor Edin Šalaka (u daljem tekstu: Dobavljač),

zaključili su:

UGOVOR O NABAVCI USLUGA INSTALIRANJA KLIMA UREDAJA

Član 1.

Predmet ugovora je nabavka usluga instaliranja klima uređaja za potrebe Uprave policije Ministarstva unutrašnjih poslova Kantona Sarajevo.

Član 2.

Nabavka je izvršena putem direktnog sporazuma, na osnovu odluke broj 02-11-4-5327-2/22 od 27.07.2022. godine.

Ponuda Dobavljača, broj: 22-0100-000020 je sastavni dio ovog ugovora.

Član 3.

Ukupan vrijednost predmetne nabavke iznosi 1.250,00 KM (jednahiljadadvijestotinepedeset i 00/100) bez uključenog PDV-a.

Dobavljač se obavezuje da se cijene iz Ponude neće mijenjati do isteka ovog ugovora.

Član 4.

Dobavljač se obavezuje da će uslugu iz člana 1. ovog ugovora izvršiti odmah po prijemu narudžbe, a najkasnije u roku od 3 (tri) dana od dana prijema narudžbe, na adresama Ugovornog organa.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršenih usluga iz člana 1. i 2. ovog ugovora.

Član 5.

Prilikom izvršenja usluge koja je predmet ovog ugovora, Dobavljač je dužan dostaviti radni nalog za izvršenu uslugu (po vrsti i količini) u dva primjerka, koji je uredno ovjeren i potpisan od strane ovlaštene osobe Dobavljača. Po izvršenju usluge radni nalog potpisuje i ovlaštena osoba Ugovornog organa.

O izvršenim uslugama biti će sačinjen zapisnik o kvantitativnom i kvalitativnom prijemu (čiji će sastavni dio biti radni nalog).

Član 6.

Ukoliko ovlaštena osoba Ugovornog organa konstatuje određene nedostatke u kvalitetu ili kvantitetu izvršene usluge, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Dobavljač se obavezuje priznati reklamaciju na kvantitet i kvalitet izvršene usluge, koja će biti proračunata uz obavezno navođenje nedostataka i datuma i broja računa (otpremnice/radnog naloga) Dobavljača kako bi se zadovoljili uslovi reklamacijskog roka.

Dobavljač se obavezuje izvršiti uslugu u što kraćem roku, koji će se zapisnikom o reklamaciji utvrditi.

Usluga će se smatrati uredno izvršenom kada u zapisniku o prijemu bude konstatovano "usluga instaliranja izvršena bez primjedbi".

Član 7.

Plaćanje za izvršenu uslugu će se vršiti u roku od 30 (trideset) dana od dana urednog izvršenja usluge instaliranja i dostavljanja fakture, na tekući račun Dobavljača.

Član 8.

Ukoliko Ugovorni organ ocijeni da izvršena usluga nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 9.

Na sva pitanja koja nisu regulisana ovim ugovorom, primjenjivat će se odredbe Zakona o obligacionim odnosima.

Član 10.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 11.

Ovaj ugovor je zaključen kada isti potpišu obje ugovorne strane i traje do uredne realizacije ugovorenih obaveza obje ugovorne strane.

Član 12.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

DOBAVLJAČ
SAZ d.o.o.
Sarajevo

direktor Edin Šalaka

UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović

Broj: 22-11-4-5327-4/22
Datum: 28.07.2022

Broj: 02-11-4-5327-4/22
Datum: 28.07.2022. godine